



PRIZIDENTI DI KAMBRA JANEY TA KUMUNIKA TUDU SIDADON MA RABOKI PA LINPEZA DI SIDADI NTERU STA BEN TORNA KUMESA; PRUGRAMA DI PERDON DI MULTA STA BEN FINDA; OTUS ATUALIZASON KI TEN A VER KU APLIKASON DI MULTA DI STACIONAMENTU

BOSTON – Tersa-fera, 13 d’ Abril di 2021 – Prizidenti Janey anuncia oji ma Departamentu di Transporti di Boston (BTD) atualiza tudu regulamentu di aplikason di regra di stasionamentu na Sidadi di Boston. A partir di tersa-fera, 20 d’Abril, norma di stasionamentu ta torna entra en vigor na sidadi nteru, nkluinu raboki duranti linpeza na kes rua sinalizadu i multa pa parkiamentu na lugar sen sinalizason di rizidenti sima debi ser. Departamentu di Transporti di Boston (BTD) tanbé ta kumunika m’E ka sta ben da multa a rizidentis ki teni otokolanti di nspeson kadukadu ti 31 di Maiu.

Tanbé BTD ta nforma ma dia 20 d’Abril perdon di multa pa profisionais di setor di saúdi ta kaduka. Na inisiu di pandemia di COVID-19, BTD anunsiaba ma violason di transitu pa trabadjadoris di setor di saúdi podia ser konsideradu ka-krimi públiku ([non-public safety](#)) midianti rekursu si multa foi aplikadu nkuantu kes pesoas sta en servisu. Objektivu di kel programa li éra djuda profisionais lokal di sector di saúdi nkuantu es sta ta lidaba ku imerjensias di saúdi publika.

Sidadi di Boston djuntu ku otu parserus munisipal sima Brookline, Cambridge, Everett, i Somerville ta kontinua t’oferesi tudu trabadjadoris di linha di frenti di metru di Boston un bilheti di grasa válidu pa 90 dia pa kel sistema publiku di partidja di biskleta, *Bluebikes*. Pa más nformason djobi na boston.gov/bike-share.

Prizidenti **Janey** fla kel-li: “Nkuantu nu sta kontinua ta plania nós rikuperason di pandemia di COVID-19, N sta kontenti ku tudu moradoris di Boston pa s’Es kulaborason na ruspeta regra di stasionamentu ki Nu npoi” É ta fla inda ma “Sima tenpu ta kenta más, é stremamenti mportanti ki Nu toma tudu midida nisisariu pa Nu manti nós rua linpu.”

“Nu ta gradesi Sidadi di Boston pamodi És d’apoiu extra a rizidentis i trabadjadoris di servisu di saúdi duranti es tenpu nunca vividu antis.” Palavras di Kumisáriu Greg Rooney “Rizidentis debi ser nformadu ma Nu sta ben kumesa ta vivi normal i m’Es debi ruspeta tudu normas di stasionamentu fiksadu na rua.”

Nhós lé kes regulamentu li sobri stasionamentu en vigor na Sidadi di Boston:

RIZIDENTIS KU LISENSA DI STACIONAMENTU KU KONTADOR

Rizidentis di Boston ki ten otorizason di stasionamentu ta kontinua ta goza di kel otorizason dentu di Si kumunidade sen limiti di tenpu ó pagamentu di kontador.



PLAKA DI SINALIZASON DI DIFISENSIA

BTD ta retoma multa pa plaka/matrikula di difisienti ki dja pasa prazu a partir di 31 di Maiu. [Servisu di Rejistu di Viaturas só ta da andamentu a pididu di plakas/matrikulas di difisiensia pa kureiu.](#)

Tudu nformason sobri kódigu di stasionamentu i multa na Sidadi di Boston podi ser konsultadu [li](#) sin ó ton liga pa 311.

Departamentu di Transporti di Boston ta kontinua t'avalía algun otu mudansa di regulamentu di stasionamentu ki podi ben kontisi durante kel riabertura pur fázi ki sta ben kontisi. Pa más nformason, konsulta, pur favor, boston.gov/transportation.

SOBRI DEPARTAMENTU DI TRANSPORTI DI BOSTON

Nós mison é planifika, konstrui, manti i fazi nós ruas funciona di forma a omenta asesu d' oportunitadi, prumovi seguransa i riziliensia, tanbé ileva kualidadi di vida más altu pusivel pa tudu algen ki ta vivi, trabadja, i vizita Nós Sidadi.

###